

# Poboljšanje upravljanja migracijama na zapadnom Balkanu

Cilj Projekta je produbljivanje regionalne saradnje razvojem zajednice prakse stručnjaka koji se bave upravljanjem migracionih tokova na zapadnom Balkanu.

Cilj je poboljšati regionalnu saradnju i kapacitet upravljanja izazovima migracija, putem izgradnje vještina i znanja kod stručnog osoblja koje se bavi problemima migracija uključujući ali ne ograničavajući se na stručnjake u oblasti provođenja zakona, kontrole granice i sigurnosti kroz kurseve tehničkog nivoa, jačanje dijaloga i saradnje putem Sarajevskog dijaloga o migracijama na visokom nivou, te uspostavljanje održivog okvira za stalni napredak u upravljanju migracijama u skladu sa stvarnim stanjem u regionu i u pogledu međunarodnih normi uključujući ljudska prava, izbjegličko i migraciono pravo.

Projekat je usklađen s međunarodnim pravnim okvirima kao što su Konvencija UN-a o statusu izbjeglica i migracione politike EU-a. Cilj inicijativa za obuku je podrška integraciji nacionalnih politika sa standardima EU-a koji uređuju Šengensku zonu. Jačanjem regionalne saradnje, inicijative se usklađuju sa širim međunarodnim strategijama za učinkovito upravljanje migracionim tokovima i poticanje stabilnosti na zapadnom Balkanu.

## CILJEVI PROJEKTA

Glavni cilj je jačati regionalnu saradnju i kapacitet upravljanja izazovima migracija na zapadnom Balkanu.

## OČEKIVANI REZULTATI

- Održavanje tehničkih radionica za stručno osoblje iz zemalja zapadnog Balkana (ZB) koje se bavi migracijama u oblasti provođenja zakona, kontrole granice i sigurnosti

- Organizacija događaja o politici migracija na visokom nivou u okviru Sarajevskog dijaloga o migracijama, da se otvori prostor za diskusiju o čestim problemima i mogućnostima zajedničkog djelovanja zemalja ZB-a

## PROVOĐENJE PROJEKTA

Projekat će se baviti i nedostatkom vještina stručnog osoblja i njihovih organizacija pružajući ciljanu obuku, te tako im omogućavajući bolje sposobnosti za učinkovitije upravljanje migracijama. Zamisao je da se to znanje i vještine prenose dalje u okviru njihovih institucija. S velikim brojem polaznika tehničkih kurseva, projekat ima za cilj biti pokretačka sila kojom će se progresivno savladavati

vještine koje nedostaju stručnom osoblju i ministarstvima u kojima rade, te stoga i zemljama. Drugo, putem dijaloga o migracijama na visokom nivou, projekat doprinosi formuliranju utemeljenih politika zasnovanih na dokazima. Ovaj dinamični pristup omogućava prilagođavanje politika izazovima migracija koji se stalno mijenjaju. Treće, projekat potiče regionalnu saradnju kroz saradničke kurseve i dijaloge. Njegovanjem kulture saradnje, on aktivno radi na rješavanju postojeće rascjepkanosti napora za upravljanje migracijama.

## VAŽNOST PROJEKTA I PRETHODNI REZULTATI

U svrhu jačanja partnerstava u pogledu migracija i njihovog uticaja na održivi razvoj na zapadnom Balkanu, Švicarska pridaje posebnu pažnju regionalnoj dimenziji migracija. Od ključne je važnosti omogućiti sveobuhvatno razumijevanje relevantnih migracionih pitanja u regionu i omogućiti usklađene/zajedničke pristupe rješavanju aspekata uređivanja migracija u skladu sa zahtjevima za pristupanje EU-u, Programom održivog razvoja do 2030. i postojećim globalnim dijalogima o migracijama. Novi Švicarski strateški okvir za migracije za zapadni Balkan 2024-2027. ponavlja važnost poticanja regionalnog dijaloga, koordinacije i saradnje.

## SAŽETAK PROJEKTA

**NAZIV:** *Poboljšanje upravljanja migracijama na zapadnom Balkanu*

**DOMEN:** migracije

**ZEMLJA/REGIJA:** Bosna i Hercegovina/ZB

**PARTNERI:** Ministarstvo sigurnosti BiH

**POLAZNA TAČKA / OSNOVNE INFORMACIJE:** projekat je nadogradnja i nastavak podrške Švicarske Sarajevskom dijalogu o migracijama.

**SPECIFIČNI CILJ PROJEKTA:** jačati regionalnu saradnju i kapacitet upravljanja izazovima migracija na zapadnom Balkanu.

**CILJNA GRUPA:** zemlje zapadnog Balkana - nadležna ministarstva i institucije.

**TROŠKOVI:** 900.000 CHF

**TRAJANJE:** 2024 – 2027 (3 godine)

